

GURE AUKERAK

ERAKUSKETAK

Batzango artisauak izeneko erakusketa zabalik dago Elizondo Arizkunenea Kultur Etxean. Material ezberdineko eskulturak ikus daitezke, zura, harria eta burnia besteak beste. Arratsaldeko 19.00etatik 21.00ak arte ikus daiteke, uztailaren 29a arte.

ANTZERKIA

Kollins Clown antzerki taldeak 'Bienvenidos al Oeste' izeneko lana taularatuko du asteburu honetan Orisoain, Etxarren, Sorauraren eta Zaraitzu-Espartzan. Herri Herri kanpainaren barruan, gaur arratsaldeko 20.30etan Orisoainen izanen dira, eta bihar, ordu berean, Etxarango plazan. Igandean, hilak 24, Sorauraren plazaratuko dute beren lana, 20.30etan, eta astelehen arratsaldeko 18.00etan, berriz, Zaraitzu-Espartzan.

Aparrezko pailazoen jaia izango da asteburu honetan Sakanako zenbait herritan, bertan antolatutako Kultur Zikloaren barruan. Bihar, uztailak 23, Ihabarren ospatuko da, arratsaldeko 19.00etatik aurrera, herriko plazan. Heldu den asteazkenean, uztailak 27, Olaztin izanen da, herriko jaietan, arratsaldeko 17.30etan hasita. Jaia Kasinoan antolatuko dute.

ZINEMA

'El oso' izeneko filmea eskainiko dute asteburu honetan Arreitza, Nabaskoze, Untzue eta Iguzkitza herrietan, Herri Herri kanpainaren barruan. Gaur gaueko 22.00etatik aurrera Untzuen eskainiko dute, herriko plazan, eta bihar ordu berean Iguzkitzan izanen da. Igandean, uztailak 24, Arreitzaokoek ikusi ahal izanen dute, eta astelehenen, berriz, Nabaskozeoek, bietan ere gaueko hamarretan.

Haurrentzako pelikula bat eskainiko dute igande honetan, uztailak 24, Irañeta herrian, Sakanako Kultur Zikloaren barruan. Gaueko 22.00etan hasita, herriko plazan izanen da.

DANTZALDIA

Dem ak tey Lougakoa (Senegal) eta boey teyman Tel Avivko balet taldeen emanaldia izanen da gaur, uztailak 22, Tafallako zezenplazan. Ekitaldi honen amaiera emanen diote asteon izan duten Nazioarteko Dantza Folklorikoaren Jaialdiari. 22.30etan hasita, sarrerak 300 pezetan salduko dituzte.

NAFAR KRONIKA

ANA UNANUE


Remake

Aspaldi ari ziren deika eta hala ohartarazi zigun Aingeru Epalzak iazko 'amen eta omen' batean. Aspaldi ari ziren laguntza eske Itoizko urtegiaren defentsan argudiorik gabe gelditu diren horiek. Eta eskatzen duenak lortu egiten du —edo asmatu, oraindik ikusteko dago—.

Demagun egiazkoa dela Uharteko egunkariak

KASek Itoizko urtegiaren aurkako borroka areagotzeko estrategia tajutu zuela udazkenean. Eskusiba ez dago gaizki uda parterako —badakigu urteko sasoi honetan lehortean itotzen direla erredakzioak eta Itoitz udako gaia bihurtzera deitua zegoela—, baina, hala ere, ez dakit nahikoa izango ote den Iruñtzun-Andoain

ko lituzkeela eta proiektutik espero diren etekinak bere kostua eta eragin ekologikoa nekez justifikatzen dutela ahazteko. Ez dakit azken finen Bruselan pilatutako txostenak 'Estatuko arrazoiez' estali ondoren Itoizko Koordinakundearen kexa-salaketa atzera botatzeko nahikoa izango ote den. Hala balitz, neuk idatzi nezake filmearen gidoia,



kaleratutako informazioa. Klabe sekretuen kontuak (H-A: herrialdeko KAS; I-M: Itoizko Koordinakundea; E-M: Eguzki; E-P: Egin) komentzitu ez dakit, baina hunkitu behintzat zinez hunkitu nau Historia eta geroko garai goibel hauetan. Demagun, beraz, egia dela

autobidearen *remake* itxuroso bat osatzeko, funtsezko pertsonaiak eta elementuak falta baitzaizkigu (Urralburu, Aragon, mehatxuak, atentatuak, odola).

Ez dakit argitaratutakoa nahikoa izango ote den urtegiak lege babestuak dauden hegazti eremuak (zepa) ureztatu-

ezaguna dut eta. Milaka milioi pezetako adjudikazioak, segurtasun enpresak Irati inguruan, komisioak eskupetik eta, lanak bukatzean, askatasunaren eta demokraziaren omeneko monumentuaren inaugurazioa. Diskurtsoak eta txaloak. The end: gidoiaren sosekin erbesterratu egingo naiz.

ASTEKO PERTSONAIAK



Kepa Altonaga
UEUko zuzendaria



Serafin Zubiri
Abeslaria

Aste honetan hasi da Iruñean Udako Euskal Unibertsitatearen 22. edizioa, Baionako emanaldia bukatu, eta ohizkoa denez, uztailaren bigarren hamabostaldia igarotzeko. Osotara, 28 ikastaro antolatu dituzte aurtengo eta aurreko urteetan baino matrikulazio gehiago izan dira, 700 inguru. Kepa Altonaga UEUko zuzendariak egin zuen aurtengo edizioaren aurkezpena, Jose Maria Rodriguez Otxoa Nafarroako Gobernuako ordezkaria eta Jose Mari Zeberio Jaurlaritzakoaren ondoren. Guztien laguntza eskertu ondoren, UEUren «euskara eta Unibertsitatea uztartzeko ahaleginak» nabarmendu zituen, urte hauetan eman diren aurrerapausoak azpimarratuz. Uztailaren 30era arte beterik izanen da Larraona Ikastetxea, udan ere ikasteko aukera baitago Iruñean.

Azken hilabete hauetan mendizale amorratua bihurtu ondoren igotzen mendiengatik aipatzen dute komunikabideetan Serafin Zubiriren izena. Aste honetan itzuli da Afrikako Kilimanjaro 5.895 metroko mendia igo eta gero, Mari Abrego mendigoizalearen laguntzarekin. Urtarrilean Aconcagua igo zuten, beste itxu batzuekin batera, eta uztailaren Mont Blanc mendian izan zen. Ez zen, ordea, horrekin konformatu, eta Abregorekin batera, Kilimanjara joatea erabaki zuen. Inolako arazorik gabe iritsi zirela gailurrera azaldu zuen Zubirik, «iritsi ginen uztailaren 14an eta ordubete pasa izan ginen goian, hitz egiten eta abesten. Ongi egin nuen igoera eta pozik negoen». Mendi gehiago igotzeko asmoa duela azaldu zuen, ahal duen neurrian, noski.

AHAZTU GABE!

TXIRRINKA MARTXAN



Txirrinka 94 izeneko bizikleta martxa antolatu du Eguzki talde ekologistak asteburu honetarako. Itoizko urtegiaren aurka prestatutako martxa hau gaur eguerdian abiatuko da Iruñetik, Gaztelu Plazatik hain zuzen, eta hirian barna itzuli bat egin ondoren Txantrea zuzenduko dira, bertan bazkaltzeko. Arratsaldeko bostetan, berriz Gaztelu Plazara itzuli eta Burlata, Atarrabia, Urrotz eta Artieda pasatuta Irunberrira iritsiko dira, bertan gaua egiteko. Bihar Nabaskoze, Burgi eta Garde bisitatuko dituzte, eta gaua bertan eman ostean, igande goizean Erronkari, Izaba eta Otsagi herriak zeharkatuko ditu bizikleta martxa berezi honek. Arratsaldean, berriz, Ezkaroze-Abaurregaina-Arribe zatia osatuko dute. Nahi dutenek Iratitik barna egin dezketen zati hau. Azkenik, Itoitzera helduko dira astelehenen, urtegi lanetara, manifestaldia egiteko. Martxan parte hartzeko 7.000 pezetara edo 350 libera ordaindu behar dira, bazkariaren eta lo egiteko lekuaren truke.

JENERO XUMEKOAK

Elurra Martzelogradoko kanposantuan

Inon ere ez dago horrenbesteko alderik bizirik herioraino eta inon ere ez da sentitzen hemen bezala atsenaldi betiraunkorren isiltasuna.

ELIAS SARASA - ERRO

ADI!

EUSKALERRIA IRRATIA FM 91.4

Egunero, astelehenetik ostiralera, 'Zokobetailu' goizeko 10.00etatik 11.00etara.

XORROXIN IRRATIA FM 107.5

Egunero 20.00etatik 22.00etara... 'Karakola segi hola' gazteendako saioa.

ARALAR IRRATIA FM 106.2

Asteazken zehar 13.30etatik 14.00etara... Bertako bizilagun eta pertsonai ospetsuei elkarri zeketak.

KARRAPE IRRATIA FM 107.8

Asteazken zehar, 12.20etatik 12.35etara 'Gaua guztien gainetik' edertasuna eta osasuna, sukaldaritza, ohiturak...